

Općina Kakanj

Stručna služba za poslove Općinskog načelnika

Odjel za informisanje i odnose s javnošću

Novogodišnja press-konferencija načelnika Općine Kakanj,
predsjedavajućeg Općinskog vijeća i pomoćnika načelnika, Kakanj, 30.
decembar 2015. godine

Osvrt na 2015. godinu

1. Više od 750.000 KM novčanih podsticajnih sredstava, 42 steone junice, 25 platenika, motokultivatori...

1.1. Uvodne napomene

U protekle tri godine zabilježen je trend porasta Budžeta Općine Kakanj. U 2012. godini izvršenje Budžeta je iznosilo 11.525.690 KM, u 2013. godini 12.719.247 KM, u 2014. godini 16.760.884 KM, dok je Budžet Općine Kakanj za 2015. godinu usvojen u iznosu od 23.037.264,92 KM.

Paralelno sa rastom Budžeta, u značajnoj mjeri su povećana i izdvajanja za razvoj poduzetništva i obrta (povrat rente i naknade za uređenje građevinskog zemljišta), izdvajanja za poljoprivredu, izdvajanja za sport, izdvajanja za kulturu...).

1.2. Podsticaji za izgradnju novih objekata proizvodne i poslovne namjene

Tokom 2015. godine Općina Kakanj je isplatila 147.709 KM podsticajnih sredstava privrednim subjektima koji su gradili nove objekte proizvodne i poslovne namjene. Firmi „Delibašić-Poliuretani“ isplaćeno je 39.183, 58 KM, firmi „Kakanj petrol“ 1.424,62 KM; firmi „EU-Explosive“ Zenica 66.824,22 KM, firmi „Elektrovar“ Kakanj 39.012 KM i firmi „Energy“ 1.264,60 KM.

Tokom 2015. godine firma „Trgošped“ investirala je na lokaciji Poduzetničke zone „Vrtlište“ 650.000 KM, firma „Elektrovar“ Kakanj 500.000 KM, firma „EU-Explosive“ Zenica 410.000 KM i firma „Delta Petrol“ 100.000 KM.

Ukupan iznos koji su pomenuti privredni subjekti investirali u Poduzetničkoj zoni „Vrtlište“ iznosi 1.660.000 KM.

Na osnovu aplikacije Službe za privredu na javni poziv Ministarstva razvoja, poduzetništva i obrta F BiH, Općini Kakanj je u 2015. godini odobreno 150.000 KM za izgradnju unutrašnje putne komunikacije u Poduzetničkoj zoni „Vrtlište“.

Tokom 2015. godine izrađen je i štampan Investicijski vodič Općine Kakanj, te je izrađena posebna web-stranica koja omogućava elektronsku registraciju poduzetničkog subjekta iz nadležnosti lokalne samouprave.

1.3. Projekat „Pokreni ili proširi svoj posao u Kaknju“

Tokom 2015. godine kroz projekat „Pokreni svoj posao u Kaknju“ podsticaj je ostvarila 21 nezaposlena osoba koja je, uz pomoć Općine, pokrenula i registrirala vlastitu djelatnost. Podsticajna sredstva u okviru projekta „Proširi svoj posao u Kaknju“ dobilo je 7 pravnih lica/obrnika. Podsticajna sredstva za refundaciju troškova obrtničkih, trgovačkih i ugostiteljskih radnji i dijela troškova osnivanja preduzeća „d.o.o“ ostvarilo je 9 pravnih i 31 fizičko lice. Podsticajna sredstva za sufinansiranje dijela troškova zakupa poslovnog prostora obrtničkim radnjama i preduzećima „d.o.o“ koji su registrirali djelatnost i osnovali firmu na području Kaknja u 2014. i 2015. godini ostvarilo je 9 pravnih lica/obrnika.

U svrhu podsticaja razvoju poduzetništva i obrta Općina Kakanj je u 2015. godini opredijelila iznos od 250.000 KM, a ovoj cifri treba dodati i 29.700 KM koliko je iznosilo učešće HO „World Vision

BiH" i 5.400 KM koliko je iznosilo učešće Njemačke nevladine organizacije "Help" u programima podsticaja.

Tako se dobije konačna cifra od **285.100 KM** koliko su iznosila direktna novčana podsticajna sredstva za razvoj poduzetništva i obrta na području Kaknja u 2015. godini.

Općina Kakanj kontinuirano radi i na promociji kakanjskih proizvoda i usluga. Plaćanjem kotizacije, te putnih troškova za kakanjske poljoprivredne proizvođače i proizvođače rukotvorina Općina Kakanj je pomogla njihov nastup na Sajmu privrede, poljoprivrede, zanatstva i robe široke potrošnje koji je održan u Centru "Skenderija" Sarajevo (11 izlagača iz Kaknja), te na Sajmu organske i poljoprivredne proizvodnje i etno-narodnog stvaralaštva Zenica (10 izlagača iz Kaknja).

U oblasti poduzetništva, tokom 2015. godine, primljeno je 860 stranaka.

1.4. Podsticaji u oblasti poljoprivrede

Ukupno izdvajanje Općine Kakanj u svrhu podsticaja u oblasti poljoprivrede u 2015. godini iznosilo je 255.054,08 KM. Na ovu cifru treba dodati i 22.050 KM učešća Humanitarne organizacije "Muslim Aid" za nabavku plastenika i 46.683 KM za nabavku steonih junica, tako da se dobije cifra od **323.787,08 KM** koliko su iznosila podsticajna novčana sredstva u oblasti poljoprivrede u 2015. godini.

U oblasti poljoprivrede, tokom 2015. godine, primljeno je 4.411 stranaka. Od te brojke, u Registar poljoprivrednih gazdinstava (RPG) i Registar klijenata (RK) upisano je 220 gazdinstava i klijenata, 752 stranke su ažurirale podatke u RPG i RK, dok su ostale stranke dobile tražene upute, savjete, preporuke i sl.

Organizirano je 7 teorijskih i praktičnih edukacija kojima je prisustvovalo oko 600 poljoprivrednih proizvođača.

Općina Kakanj je, zajedno sa humanitarnim organizacijama "World Vision BiH", "Muslim Aid" i "Help", izvršila nabavku i dodjelu 42 steone junice, 24 plastenika površine 100 metara kvadratnih, jedan platenik površine 50 metara kvadratnih, 8 ovaca i jednog ovna, 8 koza i jarca, 2 motokultivatora...

U 2015. godini započele su i aktivnosti na izradi Strategije razvoja poljoprivrede na području općine Kakanj za period 2016-2020.

Na osnovu podataka prikupljenih putem Agrometeorološke stanice koja je u vlasništvu Općine Kakanj, poljoprivrednicima su upućivani savjeti i preporuke u vezi poljoprivredne proizvodnje.

1.5. Zbir ulaganja

Zbir ulaganja u svrhu podrške poduzetništvu i poljoprivredi iznosi **756.596 KM**.

2. Ulaganje u javne objekte

2.1. Nova zgrada Općine Kakanj

U 2015. godini završena je izgradnja savremene administrativne zgrade Općine Kakanj. Nova zgrada se sastoji od podzemnih prostorija sa 52 garažna mjesta, te 3 etaže. Zgrada sadrži 5 poslovnih prostora, šalter-salu, salu za sjednice Općinskog vijeća, veliki hol, salu za vjenčanja, liftove, server-sobe, prostorije za smještaj službenika koji rade u općinskim službama i Zavodu za planiranje i izgradnju općine Kakanj, te druge prostorije. Svi dijelovi zgrade su bez arhitektonskih barijera i prilagođeni osobama u invalidskim kolicima.

Projektant i nadzor bila je firma „Entasis“ Zenica, izvođač radova u I fazi bio je konzorcij „ITC“ Zenica i „Trgošped“ Kakanj, a u drugoj fazi „ITC“. Tokom izvođenja radova angažirano je i nekoliko podizvođača za određene radove.

Radi se o prvoj zgradi u historiji Kaknja u kojoj su smještene općinske službe, a koja je u vlasništvu Općine, obzirom da je stara i trošna zgrada koju su općinske službe koristile proteklih nekoliko decenija u vlasništvu Rudnika mrkog uglja Kakanj.

Izgradnja nove savremene zgrade Općine Kakanj nije bila samo izraz potrebe da se konačno jednom trajno, bar za narednih 100 godina, riješi problem smještaja općinskih službi. Izgradnja nove zgrade više je bila izraz narasle potrebe da se omogući nastavak uzlazne putanje kontinuiranog poboljšanja kvaliteta usluga koje se pružaju građanima Kaknja.

Izgradnju zgrade finansirala je Općina Kakanj i to bez kreditnih zaduženja.

Finansiranje izgradnje se vrši kroz odlično osmišljen model kojim je osigurano da ulaganje ne optereti Budžet Općine Kakanj. Naime, prva faza radova se finansirala iz sredstava ostvarenih prodajom poslovnih prostora koji su bili u vlasništvu Općine Kakanj. Ova sredstva, prema zakonskim odredbama, mogu biti utrošena samo za izgradnju novih nekretnina u vlasništvu Općine i ne mogu biti utrošena u drugu svrhu. Stare poslovne prostore je trebalo prodati jer je bilo nužno izvršiti velika ulaganja u njihovu rekonstrukciju, a postojali su i veliki problemi u naplati iznajmljivanja ovih prostora. Izgradnjom nove zgrade Općina Kakanj je dobila nove poslovne prostore koji su predmet prodaje po sistemu visoki ROH – BAU kako bi se obezbijedila sredstva za drugu fazu radova na izgradnji zgrade.

Prilikom izgradnje nove zgrade Općine Kakanj primijenjeni su standardi energetske efikasnosti.

2.2. Rekonstrukcija zgrade Općinskog suda

Općina Kakanj je novčanim iznosom od 60.000 KM finansirala radove na utopljanju i uređenju fasade na zgradi Općinskog suda u Kaknju. Ovim izdvajanjem Općina Kakanj nastavlja realizaciju i ostvarenje koncepta energetske efikasnosti kojeg je podržala potpisivanjem sporazuma evropskih gradova “Covenant of Mayors”, te usvajanjem Održivog energetskog akcionog plana (SEAP).

Kakanj je jedna od rijetkih općina u Zeničko-dobojskom kantonu koje izdvajaju sredstva za obnovu i rekonstrukciju objekata koji su u isključivoj kantonalnoj nadležnosti.

2.3. Hemodijalizni centar

U 2015. godini u Kaknju je završena izgradnja i opremanje Hemodijaliznog centra. Projekat su zajedno realizirali kakanjski privredni subjekti, Općina Kakanj, Vlada ZDK i Dom zdravlja Kaknja. Cilj je bio građanima Kaknja koji radi hemodijalize putuju u druge općine omogućiti da ovu vrstu medicinskog tretmana ostvaruju u svom gradu čime su daleke i za zdravlje opterećujuće vožnje postale prošlost.

3. Jačanje infrastrukture

3.1. Nove saobraćajnice, nova saobraćajna rješenja i radovi na rekonstrukciji saobraćajnica

Gradska jezgra Kaknja treba, tačnije davno je već trebala, nova saobraćajna rješenja jer su stara projektovana za 1.500 vozila koliko ih je u Kaknju bilo npr. 1979. godine, a danas ih je 10 puta više. Svi imaju pravo na neometanu vožnju kroz gradsku jezgru, pa je unapređenje saobraćajne situacije istinska potreba.

Općina Kakanj uvođenjem kružnih tokova i novih saobraćajnica nastoji sustići savremene tokove i potrebe i jedna je od rijetkih sredina gdje se takvi projekti realiziraju bez kreditnih zaduženja. Tokom 2015. godine na ulazu u gradsku jezgru izgrađena je nova saobraćajnica sa dvije trake, te novi kružni tok, a izvršena je i rekonstrukcija postojeće saobraćajnice na istoj lokaciji čime je riješen dugogodišnji problem formiranja „jezera“ usljed obilnih padavina na lokaciji kod Slastičarne „Egipat“. Vrijednost radova je iznosila 249.551,36 KM.

Izgrađena je i nova saobraćajnica ispod stadiona FK „Rudar“. Radi se o novom saobraćajnom rješenju kojim se skraćuje put vozilima, ali i pješacima obzirom da je uz novu saobraćajnicu izgrađena i pješačka staza. Vrijednost radova je iznosila 394.700 KM.

U 2015. godini realiziran je i projekat na čiju se implementaciju čekalo godinama. Radi se o rekonstrukciji ceste od lokacije Pojata do lokacije Karitas koja je bila u veoma lošem stanju. U okviru aktivnosti na sanaciji gradskih saobraćajnica, realizirane su i aktivnosti na rekonstrukciji i proširenju saobraćajnice u ulici Osmana Džafića. U okviru ovih radova riješen je i problem neadekvatne rešetke u blizini ulaza u Spomen-park tragično stradanim rudarima, izvršeno je proširenje saobraćajnice do zgrade NTV IC, te izgradnja trotoara sa rukohvatom od zgrade IC-a uz ulicu. Vrijednost radova koji su realizirani u Rudarskoj ulici i ulici Osmana Džafića iznosila je 244.585,80 KM.

Tokom 2015. godine realizirani su i radovi na rekonstrukciji puta Zgošća-Tršće. Izvršeno je asfaltiranje sa proširenjem puta za 1 m na dionici od mosta u Zgošći do raskrsnice za Crnač. Asfaltiranje je izvršeno i na lokalitetu Skenderovića. Realizirani su i radovi na sanaciji udarnih rupa, betoniranju odvodnih kanala, postavljanju nove zaštitne ograde, saniranju i farbanju postojeće ograde... Vrijednost radova je iznosila 147.288 KM. U planu je nastavak rekonstrukcije ovog puta.

Tokom 2015. godine izvršena je i rekonstrukcija saobraćajnice u ulici 7. muslimanske viteške oslobodilačke brigade.

U okviru radova na rekonstrukciji saobraćajnica u naselju Brnj, u zaseoku Čatići izvršeno je asfaltiranje puta u dužini od 630 m, a u zaseoku Grgići izvršeno je asfaltiranje dionice puta u dužini od 350 m. Vrijednost radova iznosila je 81.847,97 KM.

Realizirani su i radovi na izgradnji mosta u naselju Zgošća ukupne vrijednosti oko 70.000 KM. Potreba za izgradnjom ovog mosta se pojavila nakon što je stari most stradao usljed djelovanja vodenih bujica u maju prošle godine.

Izvršena je i sanacija puta Čelikovina-Škomlići (MZ Ričica). Vrijednost radova je iznosila 40.011,78 KM. U mjestu Zagulje izvršena je izgradnja kanalizacione mreže, te asfaltiranje puta (22.632,22 KM).

Rekonstrukcija puteva izvršena je i u Poljanima (14.566,50 KM) i Trknu (Kraljeva Sutjeska, vrijednost radova 15.710 KM).

U svrhu ljetnog održavanja puteva utrošeno je 205.575 KM.

Ukupan novčani iznos koji je tokom 2015. godine uloženi u cestovnu infrastrukturu iznosi **1.515.196,60 KM.**

3.2. Ugovoreni projekti čija se realizacija očekuje u 2016. godini

U 2015. godini pripremljeno je nekoliko projekata, te zaključeno nekoliko ugovora čija realizacija slijedi u 2016. godini.

Radi se o projektima:

rekonstrukcija puta Kondžilo-Dom (139.847,67 KM), rekonstrukcija puta na Plandištu (40.013,51 KM), sanacija puta Stari dom-okretnica Brnjic (39.679,79 KM), sanacija puta u MZ Varda (20.000,07 KM), sanacija puta za Čizmiće (19.998,81 KM), sanacija puta Bećirhodžići-Čobe-Safundžije (40.013,88 KM), sanacija puta za Šimiće (19.994,13 KM), sanacija puta u MZ Papratnica (20.001,97 KM), sanacija puta prema Crnču (19.979,61 KM), sanacija puta sa izgradnjom obaloutvrde u Haljinićima (35.099,18 KM), nastavak izgradnje puta za Semetiš (30.002,22 KM), rekonstrukcija puta sa Sopotnicu (39.993,09 KM), rekonstrukcija puta za

Starposle (23.376,94 KM) i rekonstrukcija puta u ulici Omera Maslića prema mezarju Vrtle (30.010,16). Planirano je i izdvajanje 56.393 KM za nastavak aktivnosti na održavanju puteva. Ukupna vrijednost projekata koji su pripremljeni i ugovoreni u ovoj godini, a čija se realizacija očekuje sljedeće godine, iznosi 574.402,03 KM.

Uz ove projekte, nova budžetska 2016.godina će donijeti i nove projekte i nova ulaganja u ceste, u skladu sa prioritetima.

3.3. Vodovodi i kanalizacije

Tokom 2015. godine realizirani su radovi na izgradnji vodovoda Koprivnica. Vrijednost radova iznosila je 97.961,79 KM.

U svrhu realizacije prve faze izgradnje vodovoda Hrastovac utrošeno je 36.828,21 KM.

Realizirani su i sljedeći projekti: čišćenje korita Trstionice, Ribnice i Zgošće – 83.749,87 KM, Gradski vodovod-prespajanje glavnih distributivnih vodova – 29.296,58 KM, izgradnja kanalizacije Papratnica – 41.985,17 KM, izgradnja kanalizacije „Stambene“ Doboj – 31.041,68 KM i izgradnja vodovoda Dumanac-19.459,56 KM.

U svrhu rješavanja odvodnje oborinskih voda na saobraćajnicama u ulici 7. muslimanske viteške oslobodilačke brigade, Rudarskoj ulici, te u centru kod sahat-kule utrošeno je 32.700 KM.

U svrhu izgradnje obaloutvrde na lijevoj obali rijeke Bosne, nizvodno od Mosta mladih, utrošeno je 109.082,74 KM, dok je za nastavak radova na izgradnji obaloutvrde na desnoj obali, na istoj lokaciji, utrošeno 132.697 KM.

U svrhu izgradnje kanalizacije u naselju Zagulje utrošeno je 20.270,81 KM.

Ukupan iznos koji je utrošen na hidrotehničke objekte iznosi 635.073 KM.

3.4. Dječija igrališta, sportski poligoni, parkovi i fontane

U 2015. godini u gradskoj jezgri Kaknja izgrađen je sportski poligon i dječije igralište. Radove ukupne vrijednosti od 80.000 KM zajedno su finansirali Općina Kakanj i Tvornica cementa Kakanj. Ovo igralište je nastupanjem perioda hladnijeg vremena zazimljeno, odnosno dio mobilijara je uklonjen do dolaska prvih proljetnih dana.

Nakon što je izvršena izgradnja i uređenje eko-parka sa dječijim igralištem u MZ Zgošća, uskoro se očekuje i postavljanje mobilijara. Vrijednost projekta iznosi 46.893,51 KM.

Općina Kakanj finansirala je i radove na temeljitoj rekonstrukciji sportskog poligona i parka u naselju Doboj, te radove na uređenju Gradskog spomen-parka koji je dobio sasvim novu estetsku dimenziju.

U 2015. godini izvršena je i rekonstrukcija gradske fontane koja je dobila nove elektro-motore i instalacije.

U toku su pripreme za izgradnju novog igrališta u gradskoj jezgri Kaknja, u blizini pošte. Za izgradnju ovog igrališta bratska Općina Alijaža je izdvojila 50.000 eura. Igralište će nositi naziv "Park prijateljstva".

3.5. Proširenje parking-prostora

U 2015. godini izvršeno je proširenje parkinga oko centralne zgrade Doma zdravlja u Kaknju. Radovi su obuhvatili proširenje prostora za parkiranje, rješavanje odvodnje oborinskih voda, uređenje šahtova i asfaltiranje. Vrijednost radova iznosila je 59.046,75 KM.

Novi parking-prostor je izgrađen u podrumskim prostorijama Općine Kakanj. Ovaj parking-prostor sadrži 52 mjesta za parkiranje.

Ohrabruje najava da će uskoro sa radom početi tržni centar izgrađen na lokaciji nekadašnjeg objekta „Partizan“. Ovaj objekat sadrži veliki parking-prostor u podrumskim prostorijama, a njegovo otvaranje će značiti rasterećenje teške situacije u pogledu mirujućeg saobraćaja u Kaknju.

Općina Kakanj vrši pripreme za uvođenje sistemski uređenog modela naplate parkiranja na određenim javnim parking-prostorima. Parkiranje je trenutno besplatno na svim javnim površinama predviđenim za parkiranje.

4. Ekološki projekti

4.1. Proširenje mreže daljinskog grijanja, proširenje obima organiziranog odvoza otpada, podzemni kontejneri...

Tokom 2015. godine u Kakanju je završena realizacija projekta proširenja mreže daljinskog grijanja u MZ Kakanj. Radi se o projektu ukupne vrijednosti oko 2.300.000 KM. Projekat ima važnu ekološku dimenziju jer se njegovom realizacijom stvaraju preduslovi za gašanje značajnog broja malih kotlovnica. U toku su aktivnosti na izradi projektno-tehničke dokumentacije za proširenje sistema daljinskog grijanja u još nekoliko naselja.

Paralelno sa aktivnostima na proširenju mreže daljinskog grijanja, Općina Kakanj i JP „Grijanje“ započinju aktivnosti na rekonstrukciji postojećeg vrelovoda. Općina Kakanj je izdvojila 350.000 KM za rekonstrukciju jedne dionice vrelovoda u gradskoj jezgri Kakanja, a radovi će početi nakon završetka aktuelne sezone grijanja.

Općina Kakanj nastavlja i sa aktivnostima čiji je cilj poboljšati stepen komunalne higijene. Tokom 2015. godine izvršeno je novo proširenje obima organiziranog odvoza otpada, tako da je sada pokrivenost općine odvozom 85 %. Planirano je da se narednih godina još povećava opseg odvoza otpada i da u konačnici obuhvati svih 37 kakanjskih mjesnih zajednica.

Nakon što je u svrhu proširenje obima organiziranog odvoza otpada i povećanja stepena komunalne higijene izvršila nabavku dva kamiona za odvoz smeća (uloženo oko 360.000 KM), Općina Kakanj je u 2015. godini za potrebe JP „Vodokom“ Kakanj izvršila i kupovinu metilice.

U periodu priprema Općine Kakanj za uvođenje podzemnih kontejnera u gradskoj jezgri Kakanja, Javno preduzeće “Vodokom” Kakanj je realiziralo aktivnosti na izgradnji prvog polupodzemnog kontejnera u Kakanju na lokaciji kod solitera 2 na kojoj su nesavjesni pojedinci, bez obzira na apele, proizvodili oko kontejnera divlju deponiju. Nakon što je izgrađen prvi polupodzemni kontejner građani iz obližnjih zgrada sada mogu ubaciti smeće u kontejner putem posebnih cijevi, a pristup kontejnerima je onemogućen svima izuzev radnicima “Vodokoma” u momentu pražnjenja kontejnera. Općina Kakanj vrši pripreme za uvođenje podzemnih kontejnera u cjelokupnoj gradskoj jezgri Kakanja i ta će aktivnost uskoro biti realizirana.

U 2015. godini Kakanj je dobio i prvu solarnu elektranu. U mjestu Čaluci kod Kakanja nedavno je puštena u rad moderna solarna elektrana koju je izgradila firma “Energy” snage 150kW.

4.2. Ekološki kviz “Eko plus” na NTV IC i “Eko minute” na Radiju Kakanj

U saradnji Općine Kakanj, Nezavisne televizije IC Kakanj i nekoliko kakanjskih privrednih subjekata, u Kakanju je tokom 2015. godine veliki ekološki projekat čiji je cilj bio edukacija stanovništva o potrebi zaštite životne sredine i podizanje nivoa ekološke svijesti kod svih naraštaja građana Kakanja, a posebno kod djece i mladih. Tako je na NTV IC Kakanj pokrenut ekološki kviz “Eko plus” u kojem su se takmičili učenici kakanjskih osnovnih škola. Kviz je sadržavao pitalice i igre kroz koje se provjerava znanje takmičara iz oblasti zaštite okoliša, a svi zajedno, publika u studiju i gledatelji ispred malih ekrana, su učili o mjerama zaštite okoline, o reciklaži otpada, o energetskej efikasnosti...

U programu Radija Kakanj realizirano je emitiranje emisije “Eko minute”.

4.3. "Energetski EXPO"

Tokom 2015. godine u Kaknju je realizirana višednevna manifestacija „Kakanjski energetski dani 2015“ u okviru koje su održane radionice u osnovnim školama i vrtićima na području Kaknja čiji je cilj bio približiti najmlađima termin energija i efikasno korištenje energije obzirom da su to generacije od kojih očekujemo znatno veći nivo ekološke osvješćenosti. Za najmlađe su pripremljene i brojne nagrade.

Centralni događaj manifestacije bio je "Energetski EXPO" koji je održan u gradskoj jezgri Kaknja. U okviru ovog događaja prigodnim programima i na promotivnim štandovima predstavile su se kompanije, posredničke institucije i organizacije koje proizvode i prometuju proizvode i usluge u oblasti energetske efikasnosti.

Građani su imali priliku da se upoznaju sa energetskim oznakama malih i velikih kućanskih aparata koji u značajnoj mjeri troše električnu energiju, a mogli su čuti i puno korisnih savjeta kako ostvariti uštede u domaćinstvu. Poseban program je pripremljen za kakanjske mališane.

Manifestaciju „Kakanjski energetski dani 2015“ Općina Kakanj je organizirala u saradnji sa Resursnim ekološkim centrom Kakanj i Njemačkim društvom za međunarodnu saradnju – Otvorenim regionalnim fondom za Jugoistočnu Evropu (GIZ/ORF-EE). Manifestacija se realizira u okviru Akcionog plana energetski održivog razvoja Općine Kakanj (SEAP, Sustainable Energy Action Plan).

5. Općinsko vijeće

U 2015. godini Općinsko vijeće Kakanj održalo je 11 sjednica. Razmatrano je 179 tačaka dnevnog reda, 25 programa i planova, 22 akta o imenovanju... Postavljeno je 60 vijećničkih pitanja i pokrenuto 65 inicijativa. U okviru ukupne brojke od 179 tačaka dnevnog reda, 8 se odnosilo na budžet i rebalans budžeta.

U skladu s Poslovníkom Općinskog vijeća, Općinsko vijeće razmatra i izvještaje i informacije, s tim da ih usvaja u formi zaključaka i odluka, tako da se ukupnom broju odluka dodaje i broj izvještaja (43 + 44=87), a ukupnom broju zaključaka i broj informacija (23+12=35).

6. Obimne radne aktivnosti Službe za imovinsko-pravne poslove, geodetske poslove i katastar nekretnina

6.1. Odsjek za geodetske poslove i katastar nekretnina

Tokom 2015. godine u Odsjeku za geodetske poslove i katastar nekretnina provedeno je 150 ostavinskih rješenja, 295 ugovora koji su notarski obrađeni i dostavljeni, 20 rješenja Općinskog vijeća i Općinskog pravobranilaštva i presuda sudova, te 5.515 promjena na parcelama u katastarskom operatu.

Provedene su 2.194 promjene vlasništva na parcelama u operatu za 40 postojećih katastarskih općina, izdato je 912 uvjerenja o posjedovanju nekretnina po raznim osnovama, izdato je 2.175 prepisa posjedovnih listova, izdato je 785 kopija katastarskog plana, provedena su 292 rješenja suda za katastar, realizirano je 78 cijepanja parcela za stranke i 46 uplanjenja objekata za privatna lica.

Tokom 2015. godine potpisan je sporazum sa Federalnom geodetskom upravom Sarajevo i firmom "Geodet" o instalaciji programa i obuci kadrova u novom programu Katastar.ba. Radi se o

projektu digitalizacije pregleda parcela. Donirana su i tri računara sa skenerom i printerom za ove poslove.

6.2. Odsjek za imovinsko-pravne i stambene poslove

Iz obimnog statističkog prikaza godišnjih aktivnosti Odsjeka za imovinsko-pravne i stambene poslove izdvajamo nekoliko podataka. U 2015. godini realizirano je 29 predmeta eksproprijacije, jedan predmet utvrđivanja javnog interesa, 7 izjava o davanju saglasnosti za izvođenje radova na rekonstrukciji pruge, jedan predmet deeksproprijacije... Realizirano je 9 predmeta prodaje zemljišta u skladu sa Zakonom o stvarnim pravima F BiH, 7 predmeta prenosa vlasništva unesrećenim licima usljed elementarne nepogode, 3 odluke o prenosu prava vlasništva, 4 predmeta prenosa prava vlasništva na Općinu Kakanj...

Dva stana su vraćena vlasnicima u posjed, donesena su dva rješenja o imenovanju prinudnog upravitelja (do sada su zaključeni ugovori sa upraviteljima za 94 zgrade, a ukupno su donesena 44 rješenja o imenovanju prinudnog upravitelja), zaključeno je 14 ugovora o dodjeli i korištenju stanova za socijalno ugrožene porodice Roma, realizirane su aktivnosti na izgradnji zgrada socijalnog stanovanja u naselju Varda, pripremljene i poslone nove aplikacije na javne pozive u vezi rješavanja stambenih problema...

7. Rekordnih 750.000 KM izdvajanja za sport

U okviru ove cifre, transfer za sport je realiziran u iznosu od 349.671,17 KM. Stepenn realizacije ove budžetske stavke iznosi 99,9 % obzirom da je plan iznosio 350.000 KM.

U okviru izdvajanja za sport, 195.750 KM je realizirano u svrhu plaćanja troškova za korištenje objekata JP "Kakanj-sport". Stepenn realizacije ove budžetske stavke iznosi 97,87 % obzirom da je plan bio izdvojiti 200.000 KM.

U ukupnoj cifri izdvajanja za sport je i transfer za FK "Mladost" koji je usvojen nakon ulaska ovog kluba u Premijer ligu BiH, te subvencija za ski-centar Ponijeri, te sredstva u iznosu od 30.000 KM koja su utrošena za rekonstrukciju svlačionica u Sportskoj dvorani Kakanj.

Općina Kakanj je izdvojila i 70.000 KM u svrhu osvjetljenja ski-staze Ponijeri, u svrhu razvoja skijanja, a u toku je tenderska procedura za realizaciju ovog projekta.

Zbir ukupnih izdvajanja za sport u 2015. godini iznosi 750.000 KM što je najveći iznos izdvajanja za sport promatrajući sve poslijeratne godine.

U protekle 3 godine zabilježen je trend porasta iznosa sredstava koja se iz Budžeta Općine Kakanj izdvajaju za sport. U 2012. godini ukupno godišnje izdvajanje za sport iznosilo je 263.233,34 KM, u 2013. godini 395.000 KM, u 2014. godini izdvajanje je iznosilo 430.617,73 KM, dok u 2015. godini izdvajanje za sport iznosi 750.000 KM.

8. Mladi, stipendije, značajni datumi

Tokom 2015. godine Općina Kakanj je izvršila sve obaveze u pogledu isplate općinskih stipendija za učenike srednjih škola i studente. Za samo četiri mjeseca od završetka konkursne procedure isplaćeno je svih 8 rata općinske stipendije za studente. Za stipendije je izdvojeno 135.000 KM. Općina Kakanj finansira i prijevoz učenika i studenata u iznosu od 100 % ili 50 % u ovisnosti od socijalne karte porodice kojoj učenik pripada. Tokom 2015. godine za ovu svrhu izdvojeno je 172.757 KM.

Općina finansira i organiziranje općinskih takmičenja osnovaca i srednjoškolaca, te obezbjeđuje novčane nagrade za najbolje učenike sa takmičenja, te za učenike generacije osnovih i srednjih škola.

I u novoj školskoj 2015/2016. godini Općina Kakanj finansira užinu za djecu iz socijalno ugroženih porodica koje ostvaruju stalnu socijalnu pomoć. Za svako dijete izdvaja se po 1 KM za svaki radni dan tokom mjeseca. Sredstva se isplaćuju putem Centra za socijalni rad Kakanj.

U svrhu obilježavanja značajnih datuma Općina Kakanj je izdvojila 60.000 KM.

Općina Kakanj redovno finansira rad Javne ustanove za predškolski odgoj i obrazovanje Kakanj.

9. Boračko-invalidska zaštita

Premda nadležnost za pružanje pomoći boračkim populacijama imaju ministarstva za boračka pitanja ZDK i F BiH, Općina Kakanj nastoji da iz svog budžeta pomogne boračkim populacijama. Jedan od načina pomaganja su i jednokratne novčane pomoći. Tokom 2015. godine za jednokratne novčane pomoći boračkim populacijama isplaćeno je oko 100.000 KM.

Osim toga, Općina Kakanj finansira i rad boračkih udruženja. Ova udruženja kroz svoj rad, iz dijela sredstava koja dobiju od Općine, pomažu pripadnicima boračkih populacija. Zaključno sa 30. novembrom, iz Budžeta Općine Kakanj boračkim udruženjima je isplaćeno ukupno 109.251,76 KM.

Svi značajni datumi iz perioda 1992-1995. u Kaknju se obilježavaju na dostojanstven način, a glavni finansijer organizacije obilježavanja je Općina Kakanj.

10. Četiri domaće i 15 gostujućih predstava, Festival “VIVA”, 3.584 posjete Muzeju Kaknja, “Kakanjski dani”...

Tokom 2015. godine Kakanj je postao festivalski grad. U okviru “VIVA” festivala religijskog, ekološkog i turističkog dokumentarnog filma koji je održan krajem maja u Kaknju je prikazano 99 filmova iz tri kategorije.

U okviru redovne filmskoprikazivačke djelatnosti kakanjska publika je tokom 2015. godine u svom Domu kulture imala priliku pogledati 15 velikih filmskih ostvarenja.

U okviru Javne ustanove za kulturu i obrazovanje Kakanj, čiji je osnivač i finansijer Općina Kakanj, veoma zapaženu djelatnost obavljaju Dramski studio i Muzički centar.

Tokom 2015. godine Dramski studio je premijerno izveo dvije predstave: “Džepovi puni kamenja” i “Kamenje”, a za 23. decembar je zakazana i premijera predstave “Hasanaginica”. U okviru kampanje “Idemo u školu” koju realizira HO “World Vision BiH”, Javna ustanova za kulturu i obrazovanje Kakanj je, u saradnji sa Udruženjem Roma “Romalen” Kakanj, realizirala i predstavu “U školu sa osmijehom”.

Tokom 2015. godine Muzički centar je organizirao koncert “Veče klasične gitare”.

Tokom 2015. godine u Domu kulture Kakanj odigrano je 15 gostujućih predstava od kojih posebno izdvajamo predstavu “Gospođa ministarka” Bosanskog narodnog pozorišta Zenica koja je u prepunoj sali Doma kulture Kakanj dobila velike ovacije.

Javna ustanova za kulturu i obrazovanje Kakanj i tokom 2015. godine je organizirala kurseve engleskog, njemačkog i turskog jezika. U saradnji sa Udruženjem "ARS POPULI" Hadžići, uz finansijsku pomoć Općine Kakanj, realizirano je i nekoliko kreativnih kurseva (decoupage, pirografija, izrada nakita, rad na foliji i umjetnički vez).

U okviru Javne ustanove za kulturu i obrazovanje Kakanj djeluje i Muzej Kaknja koji je otvoren 1. marta 2015. godine, na Dan nezavisnosti BiH. Od dana otvaranja do danas u Muzeju Kaknja su zabilježene 3.584 posjete. U Muzeju je realizirano i nekoliko izložbi: izložba fotografija stećaka "Kameni spavač", izložba oružja i vojne opreme iz perioda NOAR-a 1941-1945, izložba "Rudnik i Kakanj u danima rudarske nesreće", izložba "Monumenti", izložba fotografija koje prikazuje život, lik i djelo prvog predsjednika nezavisne BiH Alije Izetbegovića, izložba "Tragovima prošlosti" koju je pripremila Ajla Sejfuli, a trenutno je postavljena izložba predmeta, vojne opreme i improviziranog naoružanja iz perioda Odbrambeno-oslobodilačkog rata 1992-1995. godina.

U saradnji sa Udruženjem mladih "AlterVal" Kakanj realizirana je noć poezije, koncert "Drugačiji od drugih", "Kraljev fest" i koncert Hora "Pontanima" iz Sarajeva.

U saradnji sa Muzičkom školom Zenica koja ima svoje odjeljenje u Kaknju održana su dva koncerta.

U saradnji sa Školom baleta Zenica koja također ima svoje odjeljenje u Kaknju realizirana je baletna predstava "Uspavana ljepotica".

U saradnji sa Plesnom školom "Zumba" Visoko koja djeluje i na području Kaknja realiziran je performans "Snovi mladih".

U augustu 2015. godine u Kaknju je održana Kulturno-sportska manifestacija "Kakanjski dani 2015". U vrijeme održavanja ove manifestacije ulica Alije Izetbegovića i park Doma kulture su bili mjesto realizacije brojnih programskih aktivnosti što je ljeto 2015. godine u Kaknju učinilo lijepim i nesvakidašnjim. Iz obimnog sadržaja izdvajamo smotru folklor, koncerte pobjednike regionalnih muzičkih takmičenja Harisa Berkovića i Amela Ćurića, koncert kakanjskih muzičkih talenata i drugih izvođača, brojne predstave, sadržaje za djecu, sportska takmičenja itd. Na Smotri folklor učestvovali su KUD "Bukinje" Tuzla, KUD "Krivaja" Zavidovići, Ansambl "Bosnia folk" Zenica, Hrvatska folklorna skupina "Bobovac" i KUD "Fadil Dogdibegović Dikan" Kakanj.

Gradska biblioteka Kakanj ove godine je realizirala nekoliko projekata od kojih izdvajamo set radionica izrade nakita i decoupage tehnike, brojne promocije romana, te multimedijalni performans "I tako se voli grad" u okviru kojeg su predstavljeni mladi i uspješni građani Kaknja iz oblasti sporta, kulture, muzike, filma...

Kakanjska biblioteka trenutno ima 1.322 upisana člana, a čitaonica biblioteke je kontinuirano ispunjena čitateljima.

11. Inspekcije

U periodu 1. januar – 30. novembar 2015. godine inspektori iz Odsjeka za inspekcije Općine Kakanj poduzeli su ukupno 4.734 inspekcijske radnje. U okviru ove brojke, 885 inspekcijskih radnji se odnosi na inspekcijske preglede, a 369 na kontrole izvršenja izrečenih mjera.

Obavljeno je 818 razgovora sa građanima sa ciljem davanja stručnih savjeta. U pomenutom periodu sačinjeno je 1.249 zapisnika. Poduzete su 363 preventivne i 83 represivne mjere.

Na postupanje drugim nadležnim organima prosljeđena su 102 predmeta. Zaprimitljene su 24 žalbe, a od te brojke žalbi 23 su prosljeđene drugim nadležnim organima.

U 25 slučajeva općinski inspektori su prisustvovali sudskim procesima na Općinskom sudu Kakanj kao podnosioci prijave, dok su u 38 slučajeva učestvovali kao svjedoci.

Općinska inspekcija sada na raspolaganju ima i novi instrument naplate kazni.

Naime, do sada oni koji ne plate kaznu nisu mogli registrirati automobil i sl, međutim sada je inspekcija ovlaštena da izvrši blokiranje računa u banci radi naplate duga, a može od nadležnog suda i zatražiti da kažnjeni umjesto plaćanja novčane kazne bude osuđen na rad za opće dobro ili da se novčana kazna zamijeni kaznom zatvora u trajanju do 15 dana.

12. Civilna zaštita

12.1. Klizište Bare

Početak 2015. godine, kada se aktiviralo klizište u naselju Bare, donio je teške izazove pred sistem civilne zaštite na području Kakanja. Zahvaljujući spremnosti i požrtvovanosti vatrogasaca i policije, te drugih pripadnika sistema civilne zaštite, ali i opremljenosti kakanjskih vatrogasaca materijalno-tehničkim sredstvima, iz ruševina su spašena 3 ljudska života. Nakon nesreće promptno se reagiralo kako bi se ugroženo stanovništvo zbrinulo.

12.2. Povećanje broja intervencija u 2015. godini u odnosu na 2014. godinu

U 2015. godini Profesionalna vatrogasna jedinica Kakanj je imala 196 intervencija što je za 30 intervencija više u odnosu na 2014. godinu.

U 2015. godini došlo je do povećanja broja intervencija u slučajevima saobraćajnih nesreća i požara na motornim vozilima. Ukupna brojka ove vrste požara u 2015. godini iznosi 12, dok je u 2014. godini iznosila 6.

Došlo je i do povećanja broja tehničkih intervencija (otključavanje stanova, sapiranje, prevoz vode...) sa 27 koliko je zabilježeno u 2014. godini na 50 koliko se bilježi u 2015. godini.

Došlo je i do povećanja brojke intervencija u slučajevima zapaljenih kontejnera, guma, suhe trave i niskog rastinja sa 36 na 56.

Brojka šumskih požara i brojka požara na dimnjacima je gotovo jednaka i u 2014. i u 2015. godini. Zabilježeno je smanjenje brojke požara na stambenim objektima sa 22 koliko je iznosila u 2014. godini na 10 koliko iznosi u 2015. godini.

Posebno je zabrinjavajući trend porasta intervencija u slučajevima zapaljenja kontejnera, guma i suhe trave u gradskim i prigradskim naseljima.

Tokom 2015. godine Služba civilne zaštite Općine Kakanj prikupila je ukupno 35 neesplodiranih ubojitih sredstava. Radilo se o tromblonima, municiji za pješadijsko naoružanje, bombama, minama...

12.3. Jačanje i opremanje struktura civilne zaštite

Općina Kakanj kontinuirano radi na jačanju i materijalnom opremanju općinskih struktura civilne zaštite. Nakon nedavne nabavke puške za uspavlivanje životinja, Općina Kakanj je nedavno izvršila kupovinu prenosivog daljinski upravljaniog vatrogasnog monitora – topa, nabavku vatrogasne puške, motorne pile za metal i beton, te druge opreme.

Vatrogasni monitor-top čija je tržišna vrijednost oko 11.000 KM je daljinski upravljani uređaj projektovan za rad u ekstremnim uslovima i agresivnoj okolini gdje su potrebni veliki dometi i snaga mlaza za izbacivanje. Ovaj alat ima visoku manevarsku sposobnost, te zamjenjuju ljudstvo čime se štite vatrogasci u situacijama velikog plamena i ekstremno jake toplote (npr. požari na benzinskim pumpama i sl). Domet nabavljenog vatrogasnog topa je 60 m, a ovim veoma korisnim alatom daljinski se upravlja (okretanje lijevo-desno, gore-dole) regulacijom pritiska vode koja se sa vatrogasnog vozila šalje prema topu.

Nabavkom vatrogasne puške čija je tržišna vrijednost oko 8.000 KM vatrogascima je omogućeno da veoma brzo, noseći na leđima veoma efikasno sredstvo za gašenje požara, dođu do stanova na višim etažama zgrada (npr. u soliteru), te da djeluju sa određene distance koja neće ugroziti njihovu sigurnost obzirom na veliki domet i efikasnost vatrogasne puške.

Ukupna vrijednost nabavljene opreme je oko 25.000 KM.

Podsjetimo, uz standardnu vatrogasnu opremu, kamione i cisterne, kakanjski vatrogasci su opremljeni i motornim čamcem, posjeduju i specijalno vozilo za intervencije u slučajevima saobraćajnih nesreća, a koriste i skutere za ophodnju.

Profesionalna vatrogasna jedinica Kakanj nedavno je od HO "World Vision BiH" dobila i donaciju vatrogasne opreme čija je ukupna vrijednost 15.000 KM (vatrogasna pumpa, naprtnjače, lampe, alpinističko uže, radne cipele, ručne radiostanice...).

Nakon nedavne nabavke puške za uspavlivanje života, realizirana je i obuka 5 polaznika u gađanju sa ovom vrstom puške. Obuka je realizirana u saradnji sa Streljačkim klubom "Ljiljan" iz Srebrenika.

Pored tri pripadnika Profesionalne vatrogasne jedinice Kakanj, obuku su prošli i jedan pripadnik Službe za zaštitu i spašavanje životinja (veterinarska služba) i jedan službenik u Službi za privredu, urbanizam i zaštitu okoline (stručni saradnik za stočarstvo).

Profesionalna vatrogasna jedinica Kakanj nedavno je, posredstvom Federalne i Kantonalne uprave civilne zaštite, dobila donaciju opreme od strane Međunarodne organizacije "Vatrogasci za međunarodne hitne slučajeve" iz Francuske. Radilo se o izolacionim aparatima za disanje, maskama za izolacione aparate, bocama za izolacioni aparat za disanje, vodič-liniji za individualnu zaštitu i alarmnom sistemu.

Obzirom na činjenicu da je proteklih godina Općina Kakanj uložila značajna sredstva u materijalno-tehničko opremanje kakanjskih vatrogasaca, te da je pomenuta donacija značajno ojačala opremljenost Profesionalne vatrogasne jedinice Kakanj (PVJ), izvršena je analiza opremljenosti PVJ Kakanj, te se došlo do zaključka da je moguće dio donirane opreme dalje donirati. Tako je odlukom općinskog načelnika Nermina Mandre, a u konsultacijama sa Federalnom i Kantonalnom upravom civilne zaštite, u znak solidarnosti, izvršena dodjela po dva izolaciona aparata za disanje vatrogasnim jedinicama u Olovu i Varešu.

13. Stambeno zbrinjavanje i razvoj koncepta socijalnog stanovanja

Tokom 2015. godine Općina Kakanj je izvršila isplatu novčane pomoći u svrhu stambenog zbrinjavanja 10 porodica koje su ostale bez domova usljed aktiviranja klizišta u naselju Bare. Redovno su izvršavane i aktivnosti na administrativnom posredovanju pri potpisivanju ugovora i realizaciji sredstava koja je odobravao Federalni fond za pomoć nastradalima od poplava F BiH u svrhu stambenog zbrinjavanja. U skladu sa odobrenim i uplaćenim sredstvima 10 korisnika pomoći se opredijelilo za izgradnju stambenog objekta, dok je 8 korisnika pomoći odabralo rješavanje stambenog pitanja kupovinom druge nekretnine.

Federalno ministarstvo za raseljene osobe i izbjeglice je izvršilo dodjelu građevinskog materijala za 14 porodica za saniranje šteta na objektima koji su pretrpjeli štete usljed prirodne nesreće u 2014. godini.

U 2015. godini završena je izgradnja i useljavanje dvije zgrade socijalnog stanovanja koje su namijenjene socijalno ugroženim porodicama Roma. U zgradu koju su zajedno izgradili

Ministarstvo za ljudska prava i izbjeglice BiH i Općina Kakanj useljene su 4 porodice, dok je u zgradu koju su izgradili Humanitarna organizacija „Hilfswerk“ i Općina Kakanj useljeno 10 porodica. Izgradnja novih objekata za stambeno zbrinjavanje socijalno ugroženih porodica Roma rezultira stvaranjem uslova za rušenje bespravno izgrađenih i neuslovnih objekata u naselju Varda. U proteklom periodu uklonjeno je nekoliko ovakvih objekata. Značajna novčana sredstva koja su došla u Kakanj su rezultat ozbiljnog pristupa općinske administracije rješavanju problema stanovanja u naselju Varda, te nastojanja da se ova lokacija urbanizira i uredi, što su donatori prepoznali, te u konačnici uvrstili Kakanj među općine u kojima će graditi stambene jedinice za Rome.

14. Planovi za budući period

U budućem periodu nastaviti ćemo raditi ubrzanim tempom. Uz brojne razvojne projekte i aktivnosti na privlačenju investicija, te jačanju poduzetništva, Kakanj će dobiti podzemne kontejnere, proširenu i obnovljenu Sportsku dvoranu, nove sportske poligone i dječija igrališta, nova saobraćajna rješenja, video-nadzor od Kraljeve Sutjeske do Bilješeva i brojne druge novitete.

Osvrt na 2015. godinu sačinio Evelin Memić, stručni savjetnik za informisanje i odnose s javnošću (evelin.memic@gmail.com, 061/847 923, 032/771-801)